

資治通鑑綱目

第三函

資治通鑑綱目卷之二

上册

明 史官陳仁錫評閱

起丙午盡戊戌西楚霸王四年漢王四年

考異

提要丙午下有秦昭襄王五十二年

戊戌下無西楚霸王四年

凡五十三年

丙午安釐王五十二

考烈王八

考王三

八齊王建十

考證

謹按司馬公通鑑秦自是年繼周漢自高祖元年繼秦晉

自秦始皇元繼魏唐自武德元年繼隋綱目則秦起於始皇帝并六國之後漢起於滅楚之後

晉起於平吳之後唐起於平羣盜之後如隋則
綱目與通鑑同起於開皇九年平陳之後是謂
之王統古昔帝王之御天下也典禮命討皆原
於天尊卑有分内外有制立綱振紀人不敢紊
是以六經不言正統統自正也周衰聖賢不作
綱淪法斁禮廢樂崩馴至彊秦入寇王室七國
均敵不相統一後若南北朝五代戎狄盜賊交
於中國天下無主不得已同謂之無統大儒述
作之義在於貴正統而賤無統
故曰是書後之君子必有取焉

書法

按通鑑自是歲揭秦紀而大書之蓋
周既亡而以秦繼也周亡而秦繼之
則綱目大書其年可矣此其與列國分註
何天下未一也天下未一秦亦列國耳必

至於始皇二十六年秦并天下始以正統
例大書之此綱目所以大一統也故曰統
正於下而人道定矣
漢唐晉初皆倣此

秦丞相范雎免

秦上首功
故止言將
先聲以奪
其氣

秦河東守王稽坐與諸侯通棄市王臨朝而
歎應侯請其故王曰武安君死而鄭安平王
稽等皆叛內無良將外多敵國吾是以憂應
侯懼不知所出燕客蔡澤聞之西入秦先使
人宣言於應侯曰蔡澤見王必奪君位應侯
召澤讓之澤曰吁君何見之晚也夫四時之
序成功者去商君吳起大夫種何足願與應
侯謬曰何爲不可君子有殺身以成名死無

病根在此

借以自免
非薦也

所恨、澤曰、身名俱全者、上也、名可法而身死者、次也、三子之可願、孰與閔天周公哉、語曰、日中則移、月滿則虧、進退羸縮、與時變化、今君怨已、讐而德已、報意欲至矣、而無變計、竊爲君危之、應侯曰、善、遂薦澤於王、因謝病免、王悅、澤計以爲相、數月免、

集覽

商君

衛之庶公子名鞅、事秦孝公、封於商、故號商君、孝公卒、惠公車裂之、吳起、衛人爲楚悼王相、悼王死、大臣作亂、攻殺起、大夫種、種上聲、名也、姓文、字子禽、楚之郢人事、越王勾踐爲大夫、後被殺、何足願與、與平聲、語末辭也、本傳作其卒然、亦可願與、閔天、周公、閔天、姓名、周文王、武王之臣、周公名旦、武王弟、又爲成王相、二人者、身名俱全者也、

據實

一統

志云吳起衛人嘗學於曾子好用兵爲魯將破齊復爲魏將擊秦魏武侯善之爲西河守大振聲名旣而見疑適楚悼王聞其賢以爲相於是撫養士卒平越取陳却晉伐秦諸侯畏楚之强大夫種春秋時越大夫也吳王夫差敗越兵于夫椒越王勾踐使種行成于吳勾踐旣歸國屬政于種及滅吳種謀居多後以范蠡遺書稱疾不朝或譖種將作亂王賜以屬鏤之劍遂伏劍死周公姬姓文王之子世居岐山生有聖德輔武王伐紂以安天下又輔成王制禮作樂以成周家之治

書法

免例有三書某人免者可免者也著所坐者有罪者也書免某人官下某

知進而不
知退便是
死著

進

人獄免、徵下獄
免者、無罪者也

發明

范雎傾險之士、然能知止而退、
亦有足取、故書免而不去其官

楚以荀况爲蘭陵令

荀卿趙人、春申君以爲蘭陵令、荀卿嘗與臨
武君論兵於趙、孝成王前王曰、請問兵要、卿
對曰、要在附民、夫仁人之兵、上下一心、三軍
同力、臣之於君也、下之於上也、若子弟之事
父兄、若手臂之扞頭目、而覆胸腹也、故兵要
在於附民而已、齊人隆技擊、得一首者、賜贖
鎰金無本賞矣、事小敵毳、則偷可用也、事大
敵堅、則渙然離耳、是亡國之兵也、其去貨市

傭而戰之幾矣。魏氏之武卒以度取之，衣三屬之甲，操十二石之弩，負矢五十，置戈其上，冠胄帶劍，羸三日糧，日中而趨百里，中試則復其戶，利其田宅，氣力數年而衰，而復利未可奪也。改造則不易周也。故地雖大，其稅必寡，是危國之兵也。秦人其生民也，陋隘其使民也，酷烈，怵之以慶賞，鯁之以刑罰，使民所以要利於上者，非鬪無由也。使以功賞相長，五甲首而隸五家，是最爲衆彊長久之道。然皆干賞蹈利之兵，未有安制綦節之理也。故齊之技擊不可以遇魏之武卒，魏之武卒不可以遇秦之銳士，秦之銳士不可以當桓文之節制，桓文之節制不可以敵湯武之仁義。故招延募選，隆勢詐尚功利，是漸之也。禮義

勝負不常
兵謂之盜

足食足兵
民信之矣
是去不得
的非有時
而議去也
計爲欲奪
入微之言

教化是齊之也。故兵大齊則制天下，小齊則制鄰敵。若夫招延選募，隆勢詐，尚功利之兵，則勝不勝無常，相爲雌雄耳。夫是之謂盜兵。君子不由也。王曰：善。請問爲將。卿曰：號令欲嚴，以威賞罰；欲必以信；處舍欲周，以固徙舉；進退欲安，以重；欲疾，以速；窺敵觀變，欲潛；以深；欲伍，以參；遇敵決戰，必行吾所明，無行吾所疑。夫是之謂六術。無欲將而惡廢，無怠勝而忘敗，無威內而輕外，無見利而不顧其害。凡慮事，欲熟而用財，欲泰。夫是之謂五權。可殺而不可使，處不完，可殺而不可使，擊不勝，可殺而不可使，欺百姓。夫是之謂三至。凡百事之成也，必在敬之；其敗也，必在慢之。故敬勝怠，則吉；怠勝敬，則滅。計勝欲，則從；欲勝計，則敗。

則凶戰如守行如戰有功如幸慎行此六術
五權三至而處之以恭敬無曠夫是之謂天
下之將臨武君曰善請問王者之軍制卿曰
將死鼓御死轡百吏死職士大夫死行列聞
鼓聲而進金聲而退順命爲上有功次之不
殺老弱不獵田稼服者不禽格者不赦犇命
者不獲凡誅非誅百姓也誅其亂百姓者也
百姓有捍其賊者是亦賊也故順刃者生倭
刃者死犇命者貢有誅而無戰不屠城不潛
軍不留衆師不越時故亂者樂其政不安其
上者欲其至也臨武君曰善陳囂問曰先生
議兵常以仁義爲本然則又何以兵爲哉卿
曰仁者愛人故惡人之害之也義者循理故
惡人之亂之也故兵者所以禁暴除害也非

爭奪也

集覽

荀卿趙人名況時人相尊號之曰卿後避漢宣諱號曰孫卿臨武君

荀子注臨武君楚將也未知姓名或曰劉向序云荀卿至趙與孫臏議兵孝成王前孫臏卽臨武君也今按史記年表齊宣王二年孫臏爲軍師則敗魏於馬陵至趙孝成王元年已七十餘年年代相遠疑臨武君非孫臏也隆技擊隆尚也以勇力擊斬敵者號爲技擊孟康曰兵家之技巧者習手足便器械積機關以立攻守之勝者無本賞本賞謂有功同受賞也斬首雖戰敗亦賞不斬首則雖戰勝亦不賞是無本賞也事小敵毳毳讀曰脆若遇小敵而敵毳則可偷竊而用此技其去賃市傭而戰之幾矣此與賃市井傭作之人而

使之戰者相去幾何以度取之取其材力長短中度者三屬之甲屬音注甲札之數也如淳曰上身一髀禪一脛繳一凡三屬上身者上體之甲髀股也禪音昆褻衣以蔽股名髀禪也脛肱也肱乃脛端繳行滕也以繳脛端名脛繳也皆相連屬也又七屬甲注見唐德宗建中三年羸三日糧羸音盈負也又負三日糧食日中而趨百里謂負重而趨一日之中可行百里中試則復其戶利其田宅中去聲復音福試中其技則復除戶役給其便利之處不征徭也改造則不易周改造更選擇也則又如前其稅必寡優復旣多則賦稅寡少無所資用怛之音狙習也戰勝則厚賞使習以爲常鮪之鮪藉也不勝則以刑罰凌藉

之五甲首而隸五家戰獲五甲首則得役隸其鄉里之五家安制綦節綦音綦極也楊倞曰安制謂安於制度自不踰越極於中義心不爲非之理漸之謂漸進而近於法未爲理也處舍欲周以固處舍營壘也周密牢固則敵不敢陵奪安以重舉動進退之法靜則安重而不爲輕舉疾以速動則疾速而不失機權潛以深使間諜以觀敵國當潛隱深入伍以參伍參錯雜也錯雜於敵中而盡知其事所明所知處所疑疑危處六術自上文號令至遇敵此六術無欲將而惡廢惡去聲無求進而惡退無怠勝而忘敗無旣勝則或怠而至於敗亡用財欲泰謂不當恡賞五權此五者乃爲將之權謀可殺而不可使處不完所

完地最難
言良將多
於此失蹉

處必須完固、若處不完之地、已寧可自殺、三
至此三者謂之至言其守而不變也、將死鼓
將當死於鼓之下、左傳師之耳目在吾旗鼓
馭死轡、馭車者當死守轡策、不獵田稼、獵與
躡同、蹂踐也、服者不禽、不戰而退者不追禽
之、格者不赦、捍拒格鬪者必殺無赦、犇命者
不獲、犇與奔通、奔走來歸命者不獲之爲囚
俘、倮刃者死、荀子倮本作蘇、注蘇讀爲倮、向
也、犇命者貢、取歸命者貢獻於上、將不屠城
屠城謂毀其城而殺其民、若宰六畜然、不潛
軍、言用軍無所潛伏、不留衆、不久留師衆、使
暴露於野外、不安其上者、謂不安其亂國之
政者、欲其至也、樂其來征、
正誤可殺而不可
也、猶東征西夷怨之意、使處不完、今

按此謂將若有罪寧可殺之不可使處不完之地而致兵敗傷衆也奔命者貢今按貢于國君撫實一統志云荀卿趙人仕楚爲蘭陵令著書數萬言羽翼六經有荀子書傳流于世蘭陵縣名注見漢光武建武四年

書法

綱目非大封拜不書此令耳何以書錄賢也而以之者爲可譏矣其譏何

賢也而止以爲令非其所矣終綱目書以爲令十有二是年荀況漢元帝永光元年

張猛晉孝武大元十六年范弘之隋文帝

開皇二十年王伽唐太宗貞觀十四年韋

元方中宗嗣聖九年狄仁傑二十一年戴

令言玄宗開元二年徐倫德宗貞元十九

年韓愈憲宗元和十四年裴潏穆宗長慶元年楊汝士懿宗咸通五年劉蛻惟王伾

徐倫爲
非譏也

周民東亡秦取其寶器遷西周公於愚狐之聚

集覽

愚狐地名愚音憚徐廣曰愚狐聚近陽人聚在洛陽南百五十里括地志云汝州之

外古梁城

撫實

一統志云愚狐聚名在河南府城外五十里梁新城之間秦取

卽愚狐聚

九鼎遷西
周公于此

○楚人遷魯于莒而取其地

丁

秦

五十三

楚

九

燕

王喜元

魏

二

秦伐魏取吳

未十三

趙

十二

韓

十九

齊

十一年

秦伐魏取吳

秦伐魏取吳

秦伐魏取吳

秦伐魏取吳

秦伐魏取吳

秦伐魏取吳

秦伐魏取吳

秦伐魏取吳

秦伐魏取吳

秦伐魏取吳

秦伐魏取吳

城○韓王入朝於秦

書法

書入朝何秦益疆也自威烈至周亡韓未嘗書來朝於是書入朝於秦罪

韓也六國韓最先朝秦而秦亦最先滅之然則自卑以媚敵者果不足以自免矣自

是七國始書

王周已亡也

發明

戰國諸侯自稱王以後綱目例皆書君所以不予其僭也今此又復書韓

王何哉是時周赧既亡上無天子故諸侯因其稱王而書之亦所以著其僭爾然韓既稱王乃書入朝于秦烏有身為王者乃奔走朝事他國者哉據事直書義自見矣